



Inatsisartunut Ilaasortaq Kim Kielsen, Siumut
Aamma
Inatsisartunut Allattoqarfik/LABU
Maani

**Saarullinnut saattuanullu sinerissap qanittuani aalisarnermi pisassiissutit qaffan-
neqarnissaat pillugit Naalakkersuisunut apeqqummut nr. 2010-188-imut akissut**

12. oktober 2010
Sagsnr. 2010-039226
Dok. Nr. 479111

Postboks 269
3900 Nuuk

Tlf. (+299) 34 50 00

Fax (+299) 32 47 04

E-mail: apnn@nanoq.gl

www.nanoq.gl

Tulliuttut apeqqutigaatit:

1. Sinerissamut qanittumi aalisartunut saarullittassanik Naalakkersuisut immikkut aalisagassiiniarpat?
 - a. Angerneqarpat – qaqugu aammalu aalisagassat qanoq annertutigis-sappat?
 - b. Naaggaarneqarpat – Sooq itigartinneqarpa?
2. Aalisartunut tamannalu pillugu tunisassiofinni sulisunut aammalu kommuninut saarullinnik tunitsiveqarfiutilinnut/tunitsiviusimasunut malitsissaasut suuneri Naalakker-suisut misissorpaat?
 - a. Angerneqarpat – kisitsisit taakku sumit pissarsiarineqarsinaappat?
 - b. Naaggaarneqarpat – susassaqtartut attorneqartut innuttaaqataasutut aningaasatigullu annaasaqarsinnaaneri pinngitsoortinniarlugu taava Naa-lakkersuisut sunik iliuuseqarniarpat?
3. Kujataani, Nuummi – Qaqortumi, assagiarsunnik immikkut pisassiinissamik Naalak-kersuisut pilersaaruteqarpat?
 - a. Angerneqarpat – qaqugu aammalu immikkut pisassiissutit qanoq an-
nertutigissappat?
 - b. Naaggaarneqarpat – sooq naamik?

1-imut) Sinerissap qanittuani 2010-imut saarullinnut pisassiissutit 7.000 tonsinut aalaja-
ngiunneqarnikuupput. 7.000 tonsilli taakku septemberip qaammataata 2010-mi naaler-
nerani tamakkerlugit aalisarneqarput taamaattumillu sinerissap qanittuani saarullinniar-
luni aalisarnej unitsinneqarluni. Taamatut saarullinniarluni aalisarnerup unitsinneqarne-
rata kingorna Naalakkersuisut aalisartunit eqqorneqartunik erseqqissaavigineqarsimap-
put aalisarnerup unitsinneqarnerani najukkami innuttaasunut pitsaanngitsunik kingunis-
saat pillugit peqatigitillugulu aalisartunit aamma oqaatigineqarpoq, isumaqarlutik saarul-
leqassutsip pisassiissutinik annikinnerusumik qaffaaneq nammassinnaassagaa. Ta-
manna tunngavigalugu aamma 2009-mi sinerissap qanittuani saarullinnut pisassiissutit
tamakkerlugit aalisarneqanngitsoornerat eqqarsaatigalugu, Naalakkersuisut ulloq 5.
oktober 2010 aalajangersimavaat sinerissap qanittuani saarullinnut pisassiissutit 1.500
tonsinik 2010-ip naanissaata tungaanut qaffanniarlugit.

2-mut) Tunitsivinnit assigiinngitsunit saarullinnik tiguisartunit ilisimatitsissutit tunngavi-
galugit Naalakkersuisut nalilersimavaat, 2010-mi sinerissap qanittuani saarullinnut pi-

sassiissutit qaffanneqassanngippata kingunerisassat suussanersut aalisartunut aamma najukkani innuttaasunut. Tamannaana tunngavigalugu aalajangiisoqarpoq pisassiissutit annertussusaasa 1.500 tonsinik qaffanneqarnissaannik.

3-mut) Kujataani saattuarniarluni sinerissamut qanittumi aalisarnej eqqarsaatigalugu, Naalakkersuisut ulloq 5. oktober 2010 aalajangersimavaat sumiiffimmi aqutsivigineqartumi Narsaq-Qaqortumi pisassiissutit 150 tonsinik qaffanniarlugit. Sumiiffimi pineqartumi sinerissamut qanittumi saattuarniarnermut 2010-mut pisassiissutaaqqaartut 300 tonsinut aalajangiunneqarsimapput. Pisassiissutitullu annertussutsit taakku septemberip qaamataata naalernerani tamakkerlugit aalisarnejarput taamaattumik Naalakkersuisut aalisartunit eqqorneqartunik soorluttaaq tunitsivinnit aamma Pinngortitaleriffimmit saaffinnissutit ilisimatitsissutillu tunngavigalugit aalajangersimavaat pisassiissutit 150 tonsinik qaffanniarlugit. Tassunga atatillugu oqaatigineqassaaq, Naalakkersuisut aalajangiinerminnut tunngavittut aamma pingaartimassuk, 2011-imi sumiiffimmi Narsaq-Qaqortumi saattuarniarluni aalisarnermut najukkami aqutsiviginninnissamut pilersaarusiortoqarnissaa.

Inussiarnersumik inuulluaqqusillunga

Ane Hansen